

Clarissime vir et amice charissime. Hodie primum libri a te ad nos missi Romā appulerunt. Haec causa est cur tam sero ad humanissimas litteras tuas respondeam. Accepi excusationem parentis tui, cuius memoria in benedictione sit, cur libellos meos adversus regem Anglorum, et adversus Gulielmum Barclaium typis tuis excudendos non putaverit. Quamquam Quaque neque ego istic eos excudi mandaverim, neque me sciente Paullus Gellius id faciendum curaverit. Quod a me petebas, ut cum D. Scipione Cobellutio agerē de Brevibus Apostolicis, libenter feci, et si opus fuisset apud ipsum etiam Summum Pontificem intercessissem. Libros ad me missos accepi, quia missi erant, alioqui enim munera non libenter admitto, et quoniam egregie excusantur sunt, et multi etiam sunt, gratias ago liberalitati tuae magnas, et multas: et vicissim paratus sum, si quid hic possum in tui gratiam libentissime praestare, praesertim quia cum Domino Christophoro Plantino, avo tuo, viro ~~eximio~~ insigni, et de republica christiana optime merito, non parva necessitudo mihi aliquando intercessit. Vale, et de Ecclesia catholica typographico studio bene mereri perge. Roma, die 8 Novembris 1612.

Tibi ac tuis ex animo addictiss<sup>us</sup>

Robertus Card<sup>lis</sup> Bellarminus.

Baltazari Moreto typografo. Antverpiā.

Clariss<sup>mo</sup> viro Dno Balthasari Moreto typographo Antverpiens.,  
amico chariss<sup>mo</sup>. Antverpiā.